



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 429. Usque Ad Annum 483

Fleury, Claude

August. Vind. [u.a.], 1759

VD18 90117816

§. 39. Doctrina examinatur.

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

nec enim milites concedebant, ut saltem in umbra staremus, imo duriter repellerebant, verba parum honesta adjicientes; dicebamus: Episcopi quatuor sumus, & missi, non ut ei injuriam inferamus, sed juxta Canones invitaturi, ut veniat ad Ecclesiam, & cum Patribus confideat. Tandem a militibus dimissi sumus, dicentibus, nihil aliud Responsi obtenturos, etiamsi ante Domus fores usque ad noctem persisteremus. Subjungebant; se ob id ipsum hic excubare, ut neminem, a Concilio missum, admitterent, atque a Nestorio jussos hoc facere. Tres reliqui Episcopi, Joannem vera retulisse, confirmarunt.

Sæculum V.
A. C. 431.

§. XXXIX.

Doctrina examinatur.

Juvenalis Jerosolymitanus dixit: Quamvis tres Citationes secundum Ecclesie Leges sufficiant, non gravaremur, Reverendissimum Nestorium etiam quarto vocare; quia vero domum suam militibus circumdedit, qui adeuntes arcent, satis exploratum habemus, malæ conscientie stimulis impediri, ne ad Concilium veniat. Nihil ergo ulterius differendum, sicut Canones decernunt, sed conservationi fidei invigilandum. Primo legatur Confessio Nicæna, ut ea, quæ circa fidei materiam prolata fuere, cum illa Confessione

ne

Sæculum V. ne conferantur, & qui Catholice credunt,
A. C. 431. recipiantur, illi vero, qui dictæ fidei Ni-

cæne repugnant, rejiciantur. Recita-
 tum est Symbolum Nicænum; tum Pe-
 trus Presbyter dixit: *In manibus habe-*
mus Epistolam sanctissimi Archiepiscopi
Cyrilli, ad Reverendissimum Nestorium
datam, qua Fratrem hortatur, & sanio-
ra suadet. Si Sanctitas Vestra jubeat,

p. 461.

legam. Acacius Melitensis petiit, ut
 legeretur; erat hæc altera S. Cyrilli ad
 Nestorium Epistola, cujus initium est

Sup. n. 8.

Audio, esse, qui me crimentur. Post-
 quam recitata fuisset, S. Cyrillus dixit:
Audivistis Epistolam meam; non puto
me quidquam a fide Catholica, & Symbolo
Nicæno alienum scripsisse, edicite, rogo,
quid sentiatis!

Juvenalis Jerosolymitanus dixit: *Au-*
divimus prælegi Symbolum Nicænum, &
sanctissimi Archiepiscopi Cyrilli Episto-
lam; in Doctrina fidei consentiunt; huic
Doctrinæ inhæreo, eamque approbo. Fir-
 mus Cæsariensis in Cappadocia dixit,
 sermone ad S. Cyrillum conversus: *San-*
ctitas tua pensculatius explicavit, qua
sacrum Concilium Nicænum compendio
dixerat, & plurimum lucis attulit. Hinc,
meo judicio, omnis ambiguitas sublata est,
concordant omnia, nulla suspecta novitas
inest. Consentio, & Doctrinam sancto-
rum Episcoporum, Patrum meorum reci-
 pio,

pio. Memnon Ephesinus, Theodotus Ancyranus, Flavianus Philippensis summam eadem dixerunt; & quidem Flavianus, non suo solum, sed etiam nomine Rufi Thessalonicensis, omniumque in Illyrico Episcoporum, quos in eadem fide consentire affirmavit. Acacius Melitenensis, Iconius Cretensis, Helladicus Rhodensis, Palladius Amaseensis, & cæterorum Episcoporum plerique in eandem sententiam concesserunt; singuli, centum viginti sex numero, aliis verbis idem dixerunt; S. Cyrilli Epistolam Symbolo Nicæno esse conformem, & sibi hanc Doctrinam probari. Omnes reliqui Episcopi, qui singulatim suam sententiam non edixerant, eandem sibi mentem esse affirmarunt. Tunc Palladius Amaseensis dixit: *Rerum ordo postulat, ut etiam legatur Nestorii Reverendissimi Epistola, cujus Reverendissimus Presbyter Petrus initio meminit, ut videamus, an fidei Nicænae conformis sit.* Prælecta est Nestorii secunda, quæ incipit: *Injurias obstupescenda tuæ Epistolæ non curo.* Hac perlecta, S. Cyrillus a Concilio acquisivit, quid sentiret? Juvenalis Jerosolymitanus dixit: *Nullatenus fidei Nicænae conformis est; anathematizo illos, qui talia credunt, hæc Doctrina a fide Catholica est remotissima.* Flavianus Philippensis dixit: *Tota Epistolæ, quæ recitata est,*

Hist. Eccles. Tom. VI. H sub-

Sæculum V.
A. C. 431.

p. 492.

Sup. n. 10.

p. 493

Sæculum V. *substantia absolute fidei Nicænæ adversa-*
A. C. 431. *tur. Talia credentes, anathematizo, &*
judicamus, eos, qui ita sentiunt a vera
fide alienissimos! Firmus ex Cappadocia
dixit: Nestorius initio Pietatis larva se
contexit, at procedente sermone Hæresin
prodidit, & palam fecit, se nec fidei Ni-
cænæ, nec Archiepiscopi Cyrilli Epistola
consentire.

Concilium
Ephesinum.

p. 496.

Acacius Melitinensis, cæteris aliquan-
tum fusius elocutus, dixit: Nestorii E-
pistola manifestavit, ipsum haudquaquam
sine causa ita a Concilio abhorruisse.
Conscientia propria premente, non nescit,
se divinas Scripturas corrupisse, & limi-
tes Patrum suorum fuisse transgressum;
hinc trepidus militum præsidio securum
se præstare sperat. Ex ejus Epistola pa-
tet, quod illa verba sustulerit, quæ Con-
cilium Nicænum, & sancti Episcopi ad-
hibebant, dum de unico Dei Filio locuti
sunt, ut Incarnationem soli carni tribuat,
dicendo, Nativitatem, & mortem so-
lummodo de Dei templo affirmari posse;
itaque S. Scripturæ sensum depravavit,
quasi vero nasci, & pati soli humanitati,
& neutiquam Divinitati tribueret. Vult
dicere Acacius, videri, Nestorium Ge-
nerationem æternam Verbi negare. (*)

Tum

(*) Jure hic Anonymus I. reprehendit Fleu-
rium; nam non vult dicere Acacius, Nestorium

Tum prosequitur: *Epistolas quoque Cyrilli sigillabat, ac si dicerent, Deum esse passibilem, quod dicere nec ipsi, nec ulli unquam Catholicorum in mentem venit. Ubique prodidit opinionem suam, quod unitatem Dei cum carne non nisi nomine tenus confiteatur, & re ipsa neget. Suis se verbis jugulat, & Doctrinam peregrinam intulisse convincitur, dum dicit, se Dogmata fidei dilucidasse. Cum hæc omnia impia sint, & a veritate longissime aberrent, renuntio, & a Communione eorum, qui hæc docent, recedo.*

Sæculum V.
A. C. 431.

Cæteri Episcopi eodem sensu sententiam dixerunt, Epistolam Nestorii, tanquam Symbolo Nicæno adversam damnantes, cumque triginta quatuor singulatim suam opinionem protulissent, omnes simul conclamare: *Qui Nestorium non anathematizat, anathema sit! Fides orthodoxa ipsum anathematizat. Sacrum Concilium anathematizat. Qui cum Nestorio communicat, Anathema sit!*

p. 501.

H 2 omnes

Generationem æternam Verbi negare, sed affirmare hominem a Divinitate separatum, natum esse, & mortuum. Cæterum ipse Acacius non accurate loquitur, dum dicit hic, quod Nestorius nasci, & pati soli Humanitati, & neutiquam Divinitati tribuere videatur; quia non Divinitas, abstracte sumpta, sed Deus Filius secundum humanitatem passus est.

Sæculum V. omnes Epistolam, & dogmata Nestorii a-
 A. C. 431. natbematizamus! omnes Hæreticum Ne-
 storium anathematizamus! omnes illos,
 qui cum Nestorio communicant, anathe-
matizamus! fidem impiam Nestorii ana-
 thematizamus. *Universa terra Religio-*
nem impiam anathematizat! qui Nesto-
rium non anathematizat, anathema sit!
 Tum petierunt; ut legeretur sanctissimi
 Episcopi Romani Epistola. Juvenalis
 dixit: *Legatur etiam Epistola, quam san-*
ctissimus Archiepiscopus Romanus, Cæle-
stinus, in materia fidei scripsit! Petrus
 Presbyter versionem Græcam Epistolæ
 S. Cælestini Papæ ad Nestorium legit,
 tum subjunxit: *Piissimus noster Episco-*
pus Cyrillus scripsit, quæ huic Epistola
conformia sunt, ejusque Epistolam mani-
bus tenemus; legemus, si jubeatis. Fla-
 vianus Philippensis dixit: *Legatur hæc*
etiam, & Actis inseratur!

§. XL.

Contra Nestorium testimonia.

Sup. n. 21. Petrus Presbyter legit tertiam S. Cy-
 rilli ad Nestorium Epistolam, nempe
 illam Synodalem, cui duodecim Anathe-
 mata adjuncta; tum subjunxit: *Istæ Cæ-*
lestini, & Cyrilli Epistolæ Nestorio scri-
ptæ sunt, & per Episcopos Theopemptum,
Danielem, Potamonem, & Macarium red-
ditæ, peto, ut Theopemptus, & Daniel,
hic